




10 de marzo de 2011. ADEGA vén de presentar alegacións a tres parques eólicos que cercarán o macizo do Monte Pindo con máis aeroxeradores, pistas, gabias, conducións eléctricas e estacións de transformación. Mazaricos, Dumbria, Carnota e Muros repártense 13 muíños, os maiores de 100m de alto, sobre unha das paisaxes mais representativas do país, [salferida de mámoas e petróglifos](#)

e enriba de

hábitats prioritarios

. A

[devesa de Anllares](#)

, o bosque atlántico máis occidental de Europa, vai ter como compañia ademais de novas minicentraís un parque eólico a menos de 1km (A Ruña). Na zona SW do macizo do Pindo, sobrancearán sobre a silueta do monte e a praia de Carnota outros dous parques (Alto das Agrads e ampliación de Virxe), xusto enriba da proposta de ampliación do LIC Carnota-Monte Pindo, sobre hábitats prioritarios e

humidaís inventariados

. Con razón a Xunta

[denegou un Parque Natural no Pindo](#)

e demórase tanto en

[ampliar a Rede Natura](#)

: primeiro deben coller sitio eólicos e canteiras.

Os tres parques eólicos, solicitados por Eurovento, non corresponden aos outorgados no recente concurso aberto tras a aprobación da Lei Eólica 8/2009, senón a Planos Eólicos Empresariais aprobados durante a era Fraga que aínda non desenvolveran toda a potencia concedida daquela. A empresa, aténdose á Orde de 20 de xaneiro de 2010, e logo de que as súas solicitudes foran aceptadas (Resolución de 30 de abril de 2010 da Consellaría de Industria), inicia os trámites para a avaliación de impacto ambiental xa que estas tres instalacións sitúanse a menos de 2km doutros parques.

Trátanse pois de parques que veñen das **adxudicacións do fraguismo**, que como temos denunciado repetidas veces, derivan dun plano eólico caduco, insustentábel e neo-colonial, aprobado por un goberno que mesmo chegou a declarar (Decreto 302/2001) a compatibilidade dos parques eólicos coa Rede Natura e a paisaxe galega.

